



SAKSPAPIR

Saksnr	Utval	Type	Dato
83/2020	Kommunestyret	PS	23.11.2020

Sakshandsamar	Arkiv	ArkivsakID
Lin Tove Thomassen	FA-X20	20/1609

FORSKRIFT OM SMITTEVERN I VAKSDAL KOMMUNE - JUSTERING AV FORSKRIFT

Rådmannen sitt framlegg til vedtak:

Vaksdal kommunestyre vedtek med heimel i lov 5. august 1994 nr. 55 om vern mot smittsame sjukdommar § 4-1, første ledd bokstav a), b) og c) justert forskrift om smitteverntiltak i Vaksdal kommune.

Forskrifta trer i kraft 07. november 2020 og gjeld til og med 6. desember 2020.

Forskrifta opphever FOR-2020-11-06-2266 – Forskrift om smitteverntiltak, Vaksdal kommune, Vestland

Vaksdal kommunestyre delegerer mynde til å vedta eventuelle forlengingar og endringar av forskrifta til rådmannen jf. smittevernlova § 7-1, sjette ledd. Delegasjonen gjeld til og med første formannskapsmøte i 2021.

Forskrifta skal evaluerast 30.11.20.

Vaksdal formannskap og gruppeleiarar skal orienterast ved endringar.

Kommunestyret - Sak 83/2020

KOM - Behandling:

Kommuneoverlege Ole Miltzow Thorseth og rådmann Atle Fasteland orienterte om lokale vurderingar knytt til framlagt forskrift og smittevern.

Kommuneoverlegen gjorde greie for smittesituasjonen generelt og spesielt i høve til siste utbrot i november, som var ressurskrevjande med mange i karantene/isolasjon, omfattande testing av nærkontaktar, stengde skular m.m. I den mest krevjande veka var det testing av over 5 % av innbyggjartalet. Utbrotet ser no ut til å avta, men det er fortsatt betydeleg risiko for ny smitte. Kommuneoverlegen meiner at det derfor er viktig med forlenging av forskrift. Det er spesielt viktig å få ned smitterisikoen med tanke på å kunna ha ei normal julefeiring.

Kjartan Haugsnes, SV la fram eit tilleggforslag frå SV:

Kommunestyret ber om at ei eventuell framtidig forskriftsendring eller ny lokal forskrift, at råd og innspel frå fylkesmann, FHI og/eller Helse og omsorgsdepartementet vert gjort kjent skriftleg til kommunen.

Kjartan Haugsnes, SV la fram eit endringsframlegg til avsnitt 4 i rådmannen sitt framlegg til vedtak: (endringsframlegget med utheva skrift)

Vaksdal kommunestyre delegerer mynde til å vedta eventuelle forlengingar og endringar av forskrifta til rådmannen, **saman med kommunal kriseleiing**, jf. smittevernlova § 7-1, sjette ledd. Delegasjonen gjeld til og med første formannskapsmøte i 2021.

Kommunestyret drøfta saka.

Ved røysting vart rådmannen sitt framlegg til vedtak sett opp mot Kjartan Haugsnes, SV sitt endringsframlegg inkludert i 4 avsnitt i rådmannen sitt framlegg til vedtak.

Kjartan Haugsnes, SV sitt endringsframlegg inkludert i rådmannen sitt framlegg til vedtak vart samrøystes vedteke.

Det vart deretter røysta over Kjartan Haugsnes sitt tilleggsframlegg, som vart samrøystes vedteke.

KOM - Tilråding/Vedtak:

Vaksdal kommunestyre vedtek med heimel i lov 5. august 1994 nr. 55 om vern mot smittsame sjukdommar § 4-1, første ledd bokstav a), b) og c) justert forskrift om smitteverntiltak i Vaksdal kommune.

Forskrifta trer i kraft 24. november 2020 og gjeld til og med 6. desember 2020.

Forskrifta opphever FOR-2020-11-06-2266 – Forskrift om smitteverntiltak, Vaksdal kommune, Vestland

Vaksdal kommunestyre delegerer mynde til å vedta eventuelle forlengingar og endringar av forskrifta til rådmannen, saman med kommunal kriseleiing jf. smittevernlova § 7-1, sjette ledd. Delegasjonen gjeld til og med første formannskapsmøte i 2021.

Forskrifta skal evaluerast 30.11.20.

Vaksdal formannskap og gruppeleiarar skal orienterast ved endringar

Kommunestyret ber om at ei eventuell framtidig forskriftsendring eller ny lokal forskrift, at råd og innspel frå fylkesmann, FHI og/eller Helse og omsorgsdepartementet vert gjort kjent skriftleg til kommunen.

Saksopplysingar:

Kommuneoverlegen i samråd med rådmannen fatta 6. november 2020 «Lokal forskrift om smitteverntiltak i Vaksdal kommune 7.11-23.11» med heimel i lov 5. august 1994 nr. 55 om vern mot smittsame sjukdommar § 4-1, femte ledd, andre setning «...I hastesaker kan kommunelegen utøve den myndighet kommunestyret har etter denne paragrafen.».

I situasjonar kor det ikkje hastar ligg mynda til kommunestyret (<https://lovdata.no/lov/1994-08-05-55/§4-1>).

Bakgrunnen for vedtaket var ei sterk oppmoding frå helseminister Bent Høie og FHI om at kommunane i Bergensregionen (Bergen, Alver, Askøy, Øygarden, Bjørnafjorden, Samnanger, Osterøy

og Vaksdal) innførte målretta, tydelege og like tiltak i heile regionen. Tiltaka blei fatta i lokal forskrift for kvar av kommunane, men dei åtte kommunane jobba tett saman om utforminga etter råd frå helsemyndigheitene om å utarbeide likelydande forskrifter. Forskriftene blei gjort gjeldande frå og med 7. november til og med måndag 23. november.

Dei same kommunane har gjennom fleire møter og treffpunkt i perioden vurdert forskrifta og ei eventuell forlenging av denne. I dette arbeidet har Bergen kommune vore førande, men dei øvrige kommunane, herunder Vaksdal, har heile tida gjort sjølvstendige vurderingar.

Vaksdal kommune med kommuneoverlege og administrasjonen har vurdert saksframlegget til byrådet i Bergen kommune med tilhøyrande vedlegg og finn å kunne støtte seg til dei vurderingane som kjem fram der. Særleg har forskrifta sin § 3 – Forbod mot private samankomster med over fem deltakarar, og mot samankomstar der avstandskravet på éin meter ikkje kan overhaldast vore vurdert. Dette er eit inngripande tiltak, men med den justeringa som no er gjort i forskrifta med at husstander på fire eller fleire medlemmer likevel ha inntil to gjester meiner vi at ein imøtekjem mange av dei tilbakemeldingane som har kome, samstundes som ein framleis sikrar eit strengt smittevern kor ein ikkje blandar for mange kohortar/ personar frå ulike familiar.

Bergen kommune si saksutgreiinga med relevante vedlegg føl som vedlegg til denne saka.

Vår næraste politimynde (lensmannen på Voss) er orientert om saka.

Rådmannen rår kommunestyret om å vedta den justerte forskrifta slik den no ligg føre.